



Inatsisartunut ilaasortaq Kalistat Lund, Inuit Ataqaigiit  
MAANI

**Greenland Minerals and Energy (Trading) A/S (GME) pillugu pissutsit  
pillugit akissut nr. 2016-115 pillugu § 37 naapertorlugu apeqqummut nr.  
2016/262-imut akissuteqaat**

25. november 2016  
Sags nr. 2016 - 17356  
Akt nr. 3985836

Inatsisartut Suleriaasianni § 37 naapertorlugu apeqquutit makkua  
saqqummiuppatit:

Postboks 930  
3900 Nuuk  
Tlf. (+299) 34 68 00  
E-mail: mmr@nanoq.gl  
www.govmin.gl

1. Ulloq 13-05-2016 §37 naapertorlugu akissummi nr. 2016-115-mi  
imatut oqaasertalik sulii atuutsinneqarpa:

”1.

Naalakkersuisut 23. oktober 2013 “Immikkoortoq 709-711-mut  
tunngatillugu atugassarititaasussanut nalinginnaasunut september 2010-  
imeersunut tapiliussaq aamma sumiiffimmu Kalaallit Nunaata kujataani  
Kuannersuarni akuersissummut 2010/02-mut tapiliussaq nr. 1 pillugit  
nassuiaat”-mi taamani Aatsitassanut Naalakkersuisuusumit  
atsiorneqarsimasumi ima allapput:

”302. Pisinnaatitsissummik pigisaqartoq pinngoqqaatinik qinngornermik  
ulorianartunik akulinnik piiaanissamut akuersissummik tunineqarnissamik  
qinnuteqarpat, takuuk immikkoortoq 301, Naalakkersuisut qinnuteqaat  
nammineerlutik aammalu arlaannik tunngaveqanngitsumik imaluunniit  
sumilluunniit tunngaveqanngitsumik itigartissinnaavaat. Qinnuteqaat  
ilaatigut politikikkikut imaluunniit ingerlatsivimmi pinngoqqaatinik  
qinngornermik ulorianartunik akulinnik piiaanissamut akuersissummik  
tunniussisanninnissamik aalajangiineq tunngavigalugu  
itigartinneqarsinnaavoq. Qinnuteqaammik itigartitsineq  
pisussaaffeqarnermik akisussaaffeqarnermillu malitseqassanngilaq,  
ilannullugit Namminersorlutik Oqartussanut, Naalakkersuisunut  
imaluunniit Aatsitassanut Ikummatissanullu Pisortaarfimmu  
taarsiinissamik akisussaaffiliissanani”.

Aamma:

”303. Pisinnaatitsissummik pigisaqartoq pinngoqqaatinik qinngornermik  
ulorianartunik akulinnik piiaanissamut akuersissummik tunineqarnissamik  
qinnuteqarpat, tak. Immikkoortoq 301, Naalakkersuisut pinngoqqaatinik  
qinngornermik ulorianartunik akulinnik piiaanissamut atugassarititaasut  
suulluunniit nammineerlutik aammalu killilersuutitaqanngitsumik

**aalajangersarsinnaavaat. Naalakkersuisut ilaatigut piiaanermi ingerlatanut, isumannaallisaanermut peqqinnissamut, avatangiisinut, pisuussutini atorluanaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akuliuteqassanersoq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersaasinnaapput".**

**2.**

**Nassuiaammi nassuiarneqartut sulii atuuppat?**

**Akissut:**

**Qulaani allasimasut issuaanerit Kujataani Kuannersuit eqqaanni nunami kisermaassilluni misissueqqissaarnissamut Greenland Minerals & Energy A/S-ip akuersissutaanut nr. 2010/02-mut tapiliussami akuersinermut piumasaqaatinut toqqaannartumik issuaanerupput.**

**Tapiliussaqq ulloq 3. april 2012-mi atulersinneqarpoq sulili atuulluni. Tapiliussaqq misissuinissamut isumaqatigiissut nr. 2012/02-mut ilaavoq.**

**Immikkoortoq 709-711 aamma Kujataani Kuannersuit eqqaanni nunaminertaq pillugu akuersissummut 2010/02-mut tapiliussamut tunngasumut september 2010-meersumut nalinginnaasumik piumasaqaatinut tapiliussaqq pillugu nassuiaammi allanneqarsimasut sulii atuupput."**

**Akissut:**

**Aap. Naalakkersuisut sulii taamatut isumaqarput.**

2016-115-imut akissut paasissutissanik pissusiviusunik oqaatiginninneruvoq, tassa imaappoq aatsitassarsiorluni misissuinissamut akuersissummi ataatsimi akuersissummut atugassarititaasut aalajangersimasut oqaatigineqarput. Paasissutissat pissusiviusunut tunngasut taakkua 2016-115-imut akissuteqaateqarnermiilli allannguuteqanngillat. Taamaalilluni akissuteqaat allanngunngilaq.

Piiaanissamut akuersissummik tunniussinissaq pillugu Naalakkersuisut aalajangiigaangata, akuersissummut atugassarititaasut Naalakkersuisut pingaartittarpaat. Tamatuma saniatigut pisortat ingerlatsineranni maleruagassat

aamma suliassaqarfimmuut inatsisit atuuttut malillugit, suliassanik suliqaarnermi allatigullu aalajangiinermi, pisortat ingerlatsineranni tunngavissarititaasut kinaassusersiunnigitsut aallaavigalugit aammalu tunngavissarititaasunut inatsimmi aalajangersarneqartunut naapertuuttumik, aalajangiisoqartartussaavoq.

**2. §37 naapertorlugu nr. 2016-115-imi taarsiisoqarsinnaaneq pillugu akissut suli atuuppa?**

**Akissut ima imaqarpoq:**

**” Ingerlatseqatigiiffimmuut pisinnaatitaaffeqartumut Greenland Minerals & Energi A/S-imit misissuinissamut akuersissummut nr. 2010/02-mut tapiliusseq malillugu ingerlatseqatigiiffik pisinnaatitaaffeqartoq pinngoqqaatinik qinngornernik ulorianartunik akulinnik misissuinissamut pisinnaatitaaffeqarpoq.**

**Taamaattorli akuersissummut tapiliusseq malillugu ingerlatseqatigiiffik pisinnaatitaaffeqartoq pinngoqqaatinik qinngornernik ulorianartunik akulinnik iluaquteqarnissamut akuersissummik nalunaarfigineqarnissamut pisinnaatitaaffeqanngilaq, naak ingerlatseqatigiiffiup pisinnaatitaaffeqartup uppersaraluaruaa killeqartumik niuerutigineqarsinnaasunillu pinngoqqaatinik qinngornernik ulorianartunik akulinnik peqartoq allatigullu misissuinissamut akuersissummi piumasaqaatinik naammassinnissimagaluarluni.**

**Akuersissummut tapiliussamit takuneqarsinnaavoq pinngoqqaatinik qinngornernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik Naalakkersuisut itigartitsinnaasut. Sunaluunniit tunngavigalugu qinnuteqaat itigartinneqarsinnaavoq, tassunga ilanngullugu politikikkut imaluunniit ingerlatsivikkut peqquteqartumik, allarluinnarmilluunniit peqquteqartumik.**

**Akuersissummut tapiliussap aamma toqqaannartumik malitsigaa pinngoqqaatinik qinngornernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik itigartitsineq kalaallit nunaanni oqartussanut pisussaaffinnik imaluunniit akisussaaffinnik kinguneqassanngitsoq, tassunga ilanngullugu taarsiinissamut akisussaaneq.**

**Tamanna tunuliaqutaralugu Naalakkersuisut naliliinerat suli tassaavoq assersuutigalugu pinngoqqaatit qinngornernik ulorianartunik akullit pillugit innuttaasut taasitneqarneri tunuliaqutaralugu pinngoqqaatinik qinngornernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik Naalakkersuisut itigartitsissagaluarpata Greenland Minerals & Energy A/S kalaallit nunaanni oqartussanut taarsiiffineqarnissamut piumasaqaateqarnissamut pisinnaatitaaffeqanngitsoq.”**

**Akissut:**

Aap. 2016-115-imut akissuteqaat Naalakkersuisut naliliinerannut sulitakussutissaavoq.

Inussiarnersumik inuulluaqqusillunga

Múte Bourup Egede

